


日本漢文學百家集 86

王焱
編



YSP

北京燕山出版社

王焱 主編

日本漢文學百家集
86



北京燕山出版社

第八十六册

鐵牛禪師自牧摘稿 卷八至卷十五 鐵牛道機 著 元祿十三年
.....
一

撰述
博桑

鐵牛禪師自牧稿

卷八
之九



鐵牛禪師自牧摘稿卷第八

侍者

元成元脈元店
智興元中元清等編

詩偈 七言絕

示道明元旨信士

大道明明不覆藏西來玄旨揭當陽臘梅花發南窓
外陣陣風來撲鼻香

真空元性信女病中見種種魔境惡相轉生苦
惱其子來求救護書此界之遂止

凡所有相皆是虛妄若見諸相非相即見如來信
女還會麼

相從業起業從心心本不生境曷成更了真空如實
性迥然直越覺王城

達磨忌

廓然一箭過虛空一葦飄飄逐颶風只爲神光親斷
臂單傳正脈今古通

輓峩山獨照和尚

七旬又八道風峻坐斷嗟峨萬仞峰一念不生全體
現何妨隻履不留蹤

元旦次泰龍侍者以偈慶祝韻

時龍病起

簇簇絳霞徧海寰遲遲紅日麗江山枯梅衰柳回春

色松露泰龍不老顏

又次鼇峰侍者韻

昨夜梅香牛嶺頂，今朝柳翠艸川濱。
東風消盡鼇峰雪，闔地重回祖苑春。

和長尾分哲元旦韻 並引

乙亥孟陬十三日長尾全菴魁醫令子分哲書生
賀年而至以老僧不在畱試毫一絕去益有舊臘
庭竹生筍之瑞要老僧爲和助喜之意也予事緣
紛冗遺忘其事適及十七朝過家賀年責以前日
之意不能挪榆卒廢其韻

比屋迎春賀日融，景歡和氣臘前通。
一叢脩竹生新子，現瑞視祥古砌中。

賀長水禪師重興長建寺

重興古刹鳳城南，金碧莊嚴映翠嵐。
且喜今彰長建瑞，水雲從是日須參。

題老圃堂

井伊少將公求

引水洒流土氣肥，菜花滿苑色尤奇。
試逢老圃問農事，待布穀鳴將及時。

春日遊宇治，扣上林味卜茶工宅。
其引待尤篤。

臨歸歎賦一絕以謝

宇陽產茗鳴天下風雅就中喚上林慙歎今日敲扉處多謝玉川引待深

次南岳法弟和尚見惠韻

并引

今茲乙亥者大將軍半百令誕繇是吾祖山堂頭高翁和尚爲祝台算遠追終南古範不闢毘尼梵壇廣鳩四部登壇受具求戒之士統計垂萬二千餘指也於戲時哉讚壽茂以加焉幸法弟和尚應請爲慈氏尊者子也同應三師之請盛會之際茗譚分榻間壁連燈語三十年來連枝之因緣何喜加之戒完之前一夜袖詩見訪且辱交契之深

因次韻以謝

雨華臺上接慈氏觀史和山終莫殊今幸雖同南嶠
範微君孰又贊嘉謨

悼福源龍州靜主

學道修心三十年正知操履轉堅全一朝搽手遽然
去萬里雲晴月色圓

題喚舟亭

大津明府小野氏求

萬頃琵琶江涵彼蒼水雲相映兩茫茫漁歌入夢暮欄
外幾度回頭喚謝郎

祝潮信軒老居士誕日

武陵洞裏四時華華影歡看映九霞欲寫壽詞言不
盡太種元氣貯翁家

示不求元徵居士

由來此事不求人自徵正知道尚親試見碧池蓮妙
萼泥中一朵色香新

慈眼寺大殿上梁

悲心願力廣無邊二木三叢了所緣今日幻成慈眼
閣大家瞻仰萬斯年

秋田氏求語

中正用心卽契患工夫得力自成功順情忘義非公

道可愧言行，失至衷。

虛白禪者結社彫造丈六地藏菩薩瑞像乙亥
杪夏特來乞偈書此與之

常持金錫見冥功，五濁界中濟苦疼。
丈六妙容憑子力，有緣從是福無窮。

示顯悟院日道居士

清池蓮發送薰風，殿閣生涼午睡濃。
忽爾驚回曩劫夢，非空非假又非中。

應求題山田氏八十八翁所書米字

曾將豪勇遂功名，又遇賢君顯壽榮。
多少王侯求米

字團圓孫子祝長生

南部太守至通菴有詩次韻

梧桐葉落向初秋接客茗談蓮沼頭對坐興闌詩思
促香風時又起西樓

晦堂公見和再次韻

一葉樸窻初報秋茅檐題句然髭頭羨君筆下聯珠
玉不覺黃昏人倚樓

青蓮復肉富春秋五彩才英屯筆頭竚見他時施隻
手社中須築鳳凰樓

應南部遠州太守請遊文林館次鰲峰侍者韻

兼似諸賢

應招林院訪文館吟詠詩歌到夜間
曳白雖非山野愧雅筵不覺汗容顏

早春過長尾分哲醫生館聞客庭際生筍應求
賦詩秋日重過已成老竹又乞偈卒賦與之

早春已賀產冬筍秋晚重來見老筠嘉瑞豈同淇澳
物此君尚喜葉枝新

謝仙臺少將官山大居士到山二首

禪窩終日絕塵寰一榻分雲秋色閒
何幸今朝迎玉駕氤氳瑞氣滿山間

鳴鐘過鼓邀裴相，古柏自焚倒皂裳。
慚愧仁恩無物報，趙茶一盞盡肝腸。

盤海禪德郊外結菴來，請設供因示之。

非是山林與市塵，卜居城外遠人緣。
到來更喜有高趣，何用此間頻豎拳。

示靈潭徒孫回永明省師瑞泉寺主

龍伏靈潭已歷年，一朝飛躍出重淵。
夏期攫霧拏雲去，應到永明涌瑞泉。

荷池亭卽興應松雲院大夫人求

霜冷露清木葉黃，池頭荷敗戲魚忙。
一雙白鷺驚飛

去鄰寺鐘聲報夕陽

示禪峯元叅居士

禪非意想非行坐緊把話頭下鈍工瞥爾一朝親捏
碎山河無處不風光

示覺岩元性居士

覺性妙明離僞真死生何敢此中論辨明當念能超
物觸處莫非本有人

示拔山元鼎居士

辨成扛鼎拔山機只要無教志氣微寶劍葛提投入
太魔軍百萬悉降歸